

FURTUNÂZ



CHEI CH'E PUÁRTIN LA PÂS

ANTEFAT

Ogni an, il 4 di novembar e in altris circostancis, nô predis 'o vignin clamâz a dî Messe pai muarz in uere, a benedî coronis, bandieris e lapidis.

Qualchidun di nô al continue a sodisfâ la domande come devant di ogni richieste ch'e ven considerade naturâl. Altris a' disin di si par vie che no àn vonde resons par dî di nô, ancje se a' sintin che lis robis no van tant ben insieme, o pal "cuieto vivere" cu lis istituzions statâls.

Un pizzul tropût al dîs di nô.

'O si sin domandâz ancje nô ce fâ e dato che une cjariese 'e tire chê altre no podevin contentâsi di dî sì o nô, ma di cirî il parcé. Cussi, cirint di tirâ dongje lis motivazions ch'e puedin judâ i pastôrs de Glesie dal Friûl a cressi e a fâ cressi la nestre int, 'o pensin di fâ un pizzul regâl cun chiste fevelade. 'E je vignude fûr fra amîs e 'a je destinade a duc'.

Il scrit, visto la consistenze, al domande timp e serenitât interiôr par leilu tal Spirt di Diu e par ch'al produci qualchi buine pome di pâs (Gal 5,22).

Sul arbul de barcje de Glesie ch'e je in Friûl 'e je inclaudade la pâs.

ANTEFAT

Ogni an, il 4 di novembar e in altris circostancis, nô predis 'o vignin clamâz a di Messe pai muarz in uere, a benedî coronis, bandieris e lapidis.

Qualchidun di nô al continue a sodisfâ la domande come devant di ogni richieste ch'e ven considerade naturâl. Altris a' disin di si par vie che no àn vonde resons par di di nô, ancje se a' sintin che lis robis no van tant ben insieme, o pal "cuieto vivere" cu lis istituzions statâls.

Un pizzul tropût al dis di nô.

'O si sin domandâz ancje nô ce fâ e dato che une cjariese 'e tire chê altre no podevin contentâsi di di si o nô, ma di cirî il parcé. Cussì, cirint di tirâ dongje lis motivazions ch'e puedin judâ i pastôrs de Glesie dal Friûl a cressi e a fâ cressi la nestre int, 'o pensin di fâ un pizzul regâl cun chiste fevelade. 'E je vignude fûr fra amis e 'a je destinade a duc'.

Il scrit, visto la consistenze, al domande timp e serenitât interiôr par leilu tal Spirt di Diu e par ch'al produci qualchi buine pome di pâs (Gal 5,22).

Sul arbul de barcje de Glesie ch'e je in Friûl 'e je inclaudade la pâs.

FURTUNÂZ CHEI CH'E PUÂRTIN LA PÂS

(Mt. 5,9)

1. PREMESSE.

Une peraule di pâs 'e po vignî fûr dome di un cûr in pâs e il nestri al é cussì dome quant ch'al é perdonât di Diu e di chei altris.

Personalmenti e come Glesie 'o domandin perdon pes ueris ch'o vin fatis in non de fede, pes violencis e opressions nassudis dal nestri istinto di potenze. Cussì testemoneant il nestri pecjât e la nestre debolezze no nus vignarà pizze di fâ la morâl e di tirâ lis orelis a chei altris (Lc. 6,37-42), ma dopo giavade la cragne dal nestri cûr 'o savin che duc' i cûrs a' brâmin la stesse misericordie e nô 'o si sintarin clamâz par grazie e no par meriz a lavorâ pal ben e pe cressite dal mont e des personis e no di sigûr pe condane.

No vin duncje nissune intenzion di scrivi par di che nô 'o sin de bande juste, par invidâ a schierâsi, par tirâ-sù murais, par meti une ideologie cuintri di chê altre, ma par cirî insieme te Peraule di Diu e tal cûr di chei omps che il Signor ur ûl ben (Lc. 2,13) l'ategjament just e vêr par ricevi la pâs (Lc. 24,36) de persone dal nestri Salvadôr.


Mai che come la int 'e domande pâs, 'e domande qualchi segnâl par tignî impiât il ferâl de speranze. Il timp ch'o vivin al domande profetis ch'e savedin lei i segnos te storie (Lc. 12,56-57) e ch'e devèntin segno di contradizion tai nestris paîs e te Glesie dal Friûl.

La spade de Peraule di Diu ch'e spurghi dal nestri cûr, cjamât di violenze e di peciât, ogni vanzùm di muart. 'O deventarin alore i prins fis de pâs (Lc. 10,6) e 'o cjatarin di cûr la grandezze di Diu e il So bonolè.

2. IL VANGELI DE PÂS.

Al ven puartât dai agnui a dute chê int che Diu ûr ûl ben propit biel che Crist bambin al fâs la prime vajude in chist mont (Lc. 2,14).


Crist in persone al é la pàs di ogni cûr propit par vie ch'al acete di cjapâ sù di sé lis contradizions, lis violenzis, lis opressions e la muart par tornâ dut in tante vite. Mai che de sô bocje 'e sedi saltât fûr: "Us 'e fasarai pajà!" Al é restât omp di pàs e di vite ancje cui nemis, al ere vignût par salvâ ancje chei, e cui amis, di fati dopo



2. IL VANGELI DE PÂS.

Al ven puartât dai agnui a dute chë int che Diu ûr ûl ben propit biel che Crist bambîn al fâs la prime vajude in chist mont (Lc. 2,14).

Crist in persone al è la pâs di ogni cûr propit par vie ch'al acete di cjapâ sù di sé lis contradizions, lis violenzis, lis opressions e la muart par tornâ dut in tante vite. Mai che de sò bocje 'e sedi saltât fûr: "Us 'e fasarai pajâ!" Al è restât omp di pâs e di vite ancje cui nemis, al ere vignût par salvâ ancje chei, e cui amis, di fati dopo



la resurezion quant ch'al tornave a cjatâ i siei mai che ur vedi sbatût in muse il lôr tradiment, il lôr pecjât. Dopo de resurezion ur à dite simpri chë: "Pâs a ualtris!"

Une robe sole al comande di pradicjâ ai sòi ch'al mande in mission: "Pâs a chiste cjase" (Lc. 10,5).

Ma la sò pâs no ven acolte di Gjerusalem, dal mont, dal podê religiôs e pulitic (Lc. 19,42) par vie ch'e crodevin di vèle zâ. Chë, però, 'e jere buine dome par un pòs e no par duc'. Devant di chiste contradizion Crist si vise di sedi stât mandât Lui a puartâ une pâs ch'e ribalte chë dal mont e al devente a colp segno di division in famée, tal país, te famée dai popui, te Religjon (Lc. 12,51), te Glesie, tai partiz, tai sindacâz, tes associazions e istituzions umanis.


La pâs no je monopolio di nissune istituzion, nancje de Glesie, e alore e' covèntin vôi ch'e savedin cirile li ch'e je e metile tal viart par ch'e cressi. La pâs no à prejudizis, si adate a ogni situazion, a ogni timp, 'e tuche a ogni parte, 'e cognos dutis lis lenghis, 'e à amis in ogni país. No je il balarin equilibri di fuarcis, di pòris, ma il teren bon dulà ch'e crès la libertât di volè ben e di judâsi fra fradis.

3. LA GLESIE.

Fin ore presint te cussienze dal popul di Diu e tai discors ufiziài quant ch'e si fevele de pàs si riferisisi di preferenze, 'o volares di in esclusive, a chè de anime.

Pàs si intint no fà pecjâz e sedi in grazie di Diu. 'E je vere, ma nol é dut. L'omp nol é fat dome di anime, al é une unitât di tantis relaziuns, cun Diu, cun se stes, cun chei altris omps, cui sistemas sociài, pulitics, economics. Il no vè tignût cont di chist al à puartade la Glesie a doprà la pàs par sé, come la situazion dulà che jê 'e podeve fâ il so fat: ministrâ i sacramenz e puartâ il Vangeli.

Si é metude a vosâ dome cuintri chei sistemas pulitics ch'è no la lassavin libare jê e squasi mai cuintri di chei ch'è copavin l'omp tajantj lis alis de libertât.




Il Spirtusant al puarte il regâl di batisim a la Glesie.

3. LA GLESIE.

Fin ore presint te cussienze dal popul di Diu e tai discors ufiziài quant ch'e si fevele de pàs si riferisisi di preferenze, 'o volares dî in esclusive, a chè de anime.

Pàs si intint no fà pecjâz e sedi in grazie di Diu. 'E je vere, ma nol è dut. L'omp nol é fat dome di anime, al é une unitât di tantis relaziions, cun Diu, cun se stes, cun chei altris omps, cui sistemas sociài, pulitics, economics. Il no vè tignût cont di chist al à puartade la Glesie a doprà la pàs par sé, come la situazion dulà che jê 'e podeve fà il so fat: ministrâ i sacramenz e puartâ il Vangeli.

Si é metude a vosâ dome cuintri chei sistemas pulitics ch'e no la lassavin libare jê e squasi mai cuintri di chei ch'e copavin l'omp tajantj lis alis de libertât.



Il Spirtusant al puarte il regâl di batisim a la Glesie.

Chiste mentalitât 'e je unevore in dentri te cussienze e te pratiche sei dal popul di Diu sei te gjerarchie, ancje se tai proclamas no ven mai fûr clare e nete.

Difati quant ch'e si tente di aplicâ il Vangeli su la realtât ch'o vivin al é simpri qualchidun ch'al proteste stizzât che no si à di fâ pulitiche e che il Vangeli al é bon pe anime e pe vite eterne e no pal cuarp e pe storie. Chiste division di anime e cuarp, di naturâl e sorenaturâl vuè al é diventât il cavil e il pretest par considerâ la peraule di Crist e de Glesie une pitance lâmie e smamide, buine dome di sedi tibiade di duc' (Mt. 5,13).

Il Consei Vatican II e la riflessione de Glesie, registrade tai documenz dai papis, e' tentin di tornâ a meti adun ce ch'al vignive dividût. L'omp al é un sòl te sò interioritât e te sò relazion cun chei altris omps.

'O sin obleâz duncje a interessâsi di dut l'omp e di ogni omp se no ce ch'e si pridicje nol é plui secont il Vangeli.

La Gaudium et Spes (in part. 78-80), la Pacem in terris, il Rapuart de Sante Sede al ONU dal 1976, il document: Beati i costruttori di Pace, dai Cristians furlans e veniz, i discors dal nestri vescul Batisti, nus judin a viargi i vôi su la situazion dal omp tal mont e a' nus ricuàrdin che il podè si fonde su la logjche dal: "la tò muart 'e je la mè vite ("mors tua vita mea"). Chiste mentalitât 'o le vin tal sanc, 'o le vin nudride in cjase nestre cul fâ de vite, ancje in famèe, une competizion, un sedi plui brâfs, boins, ubidienz dai nestris fradis.

Crist al ribalte chiste logjche cui faz e no dome a peraulis e Lui al po dî: "la mè muart 'e je la tò vite" (I Tess. 5,10).

Grazionis Signor e judinus a no fà diventâ retorichis e une tiritere chistis peraulis ch'o proclamìn in ogni Messe. E grazie ancje de conversion de Glesie ch'e cir di fondâ la sò riflessione su la vite e la storie simpri plui su la Tò Peraule e la rivelazion e, cussì 'o prein, simpri mancûl su lis filosofis e lis mentalitâz dai omps.

4. LA VIRTÛT DE TOLERANZE.

Nancje nô Cristians e pastòrs de Glesie no vin vût clâr che la nestre fonde no sta su chel ch'è capissin e a' pènsin i omps, ma su chel ch'al ven di Diu. Propit par chist pecjât cumò no si permetin di fâ i conz e cridâ a chei altris, ma 'o confessin il "mea culpa, mea maxima culpa" pes nestrîs colpis e omissions.

Su lis opinions e lis ideis ch'è sedi a coronament des discussions e dal dialogo la toleranze.

La toleranze 'e je virtût umane dal acetâ lis personis come pluî grandis des ideis ch'è professin.

S. Ustin nus regale un criteri unevore sapient par misurâsi tal comportament e tal dialogo: "te veretât unitât, tal dubi libertât, in dut amôr". Il Vangeli dal mont, esasperât vuê de lote dai partîz, des ideologîs contrapostis e dal gran còl di bêz dai profiz, al ricuarde cun astuzie dome une peraule dal Vangeli: "chel che nol è cun me al é cuintri" (Mt. 12,30) e cussi ogni diferenze di opinions 'e ven viodude come un atentât a la persone e l'ocasion par imbastî une uere fra personis, grops, popui e religjons.

'O sin a lis provis che ogni volte ch'è si fevele de pàs cu la nestre int al é come tizziâ un bôz di gjespis cul riscjo di scomenzâ une uere. Crist revoc di ire, di suspiez, di acûsis ch'al ven sù al pant l'equivoço, il pregiudizi ch'al sta prin di ogni discori: il metro par verificâ la veretât di ogni peraule nol ven cjàpât dal ascolt, de cunfidenze cu la Peraule dal Vangeli, ma de sielte pulitiche, ideologiche e religiose che un al à fat. Tal judicâ i fâz dal mont no nus ven naturâl di ispirâsi 'e Peraule di Diu, ma al pensâ dai partîz e des filosofis, tal miôr dei càs, o dai nestrîs interes.

Dome te toleranze 'o podin tentâ di volê ben a lis personis cence cun chist sedi obleâz a sposâ lis lor ideis e opinions.

4. LA VIRTÛT DE TOLERANZE.

Nancje nô Cristians e pastôrs de Glesie no vin vût clâr che la nestre fonde no sta su chel ch'e capissin e a' pènsin i omps, ma su chel ch'al ven di Diu. Propit par chist peçjât cumò no si permetin di fâ i conz e cridâ a chei altris, ma 'o confessin il "mea culpa, mea maxima culpa" pes nestrîs colpîs e omissions.

Su lis opinions e lis ideis ch'e sedi a coronament des discussions e dal dialogo la toleranze.


La toleranze 'e je virtût umane dal acetâ lis personis come plui grandis des ideis ch'e professin.

S. Ustin nus regale un criteri unevore sapient par misurâsi tal comportament e tal dialogo: "te veretât unitât, tal dubi libertât, in dut amôr". Il Vangeli dal mont, esasperât vuê de lote dai partîz, des ideologîs contrapostis e dal gran còl di bêz dai profiz, al ricuarde cun astuzie dome une peraule dal Vangeli: "chel che nol é cun me al é cuintri" (Mt. 12,30) e cussi ogni diferenze di opinions 'e ven viodude come un atentât a la persone e l'ocasion par imbastî une uere fra personis, grops, popui e religjons.

'O sin a lis provis che ogni volte ch'e si fevele de pàs cu la nestre int al é come tizziâ un bôz di gjespis cul riscjo di scomenzâ une uere. Crist revoc di ire, di suspiez, di acûsis ch'al ven sù al pant l'equivoco, il pregiudizi ch'al sta prin di ogni discori: il metro par verificâ la veretât di ogni peraule nol ven cjàpât dal ascolt, de cunfidenze cu la Peraule dal Vangeli, ma de siele pulitiche, ideologiche e religiose che un al à fat. Tal judicâ i fâz dal mont no nus ven naturâl di ispirâsi 'e Peraule di Diu, ma al pensâ dai partîz e des filosofis, tal miôr dei cãs, o dai nestrîs interes.

Dome te toleranze 'o podin tentâ di volê ben a lis personis cence cun chist sedi obleâz a sposâ lis lor ideis e opinions.

In chiste ete di tante violenze e intoleranze 'o sin clamâz a diventâ testimonis di toleranze cence molâ di volê ben a la veretât e di cirîle.



5. LA SITUAZION FURLANE.

Par di il vèr nô Furlans 'o vin une predisposizion a la toleranze, il nestri popul al é stât in pàs cun duc' i confinanz (cun chei ch'è son in somp dal mont al é facil sedi in pàs e no vè cuistions). Ance par merit e a onôr de mari glesie di Aquilée che à puartât il Vangeli par dute l'Europe risprietant lis culturis diferentis, nô 'o sin in buine armonie cui Todescs e Slovencs.

L'acolienze e il rispriet a' son duncje naturâi te nestre culture furlane e dome la propagande nazionaliste di cent ains a chiste bande 'e à cirût di inturgulî chiste aghe cujete e di semenâ tai cûrs il tuessin dal odio.

Chiste propagande nazionalistiche 'e je stade necessarie par fânus lâ in uere cuintri i Todescs, apostrofâz nujemancul tanche "nemici secolari" e la stesse tatiche 'e je stade doprade dopo la seconde uere grande cui Slovencs.

E vuê si cjatin un Friûl ch'al é tiare "di confins no dome di un Stât, ma ance ideologic, pulitic, economic e militâr" (Comunicât de Cumission diocesane udinese Justizie e Pàs - Vite Cattoliche 5/4/1986).

Sul cont de pàs i Furlans di vuê e' àn la orele fine par vie che chî di nô si son discjariadis lis contradizions e lis violenzis di dôs ueris cu la conclusion tragiche de stagjon partigiane ch'è à viodût, in soreplui di tantis disgrazis, furlans cuintri furlans.

Ogni famêe 'e je stade segnade di muarz e di piardûz sui cjamps de Russie o dai svindics dai Todescs e Cosacs.

Oreprisint i Comuns a' son obleâz dal Stât a ricuardâ il 4 di novembar i muarz in uere e i alpîns in congjedo, adunâz in associazion (A.N.A.), a' mantegnin vîf il ricuart di ce ch'al é stât screant monumenz e lapidis, domandant a nô predis di benedi bandieris, galiardez e coronis di orâr.

5. LA SITUAZION FURLANE.

Par di il vèr nô Furlans 'o vin une predisposizion a la toleranze, il nestri popul al é stât in pàs cun duc' i confinanz (cun chei ch'e son in somp dal mont al é facil sedi in pàs e no vé cuistions). Ancje par merit e a onôr de mari glesie di Aquilée che à puartât il Vangeli par dute l'Europe risprietant lis culturis diferentis, nô 'o sin in buine armonie cui Todescs e Slovencs.

L'acolienze e il rispriet a' son duncje naturâi te nestre culture furlane e dome la propagande nazionaliste di cent ains a chiste bande 'e à cirût di inturgulí chiste aghe cujete e di semenâ tai cûrs il tuessin dal odio.

Chiste propagande nazionalistiche 'e je stade necessarie par fânus lâ in uere cuintri i Todescs, apostrofâz nujemancul tanche "nemici secolari" e la stesse tatiche 'e je stade doprade dopo la seconde uere grande cui Slovencs.

E vuè si cjatin un Friûl ch'al é tiare "di confins no dome di un Stât, ma ancje ideologic, pulitic, economic e militâr" (Comunicât de Cumission diocesane udinese Justizie e Pàs - Vite Cattoliche 5/4/1986).

Sul cont de pàs i Furlans di vuè e' an la orele fine par vie che chì di nô si son discjariadis lis contradizions e lis violenzis di dôs ueris cu la conclusion tragiche de stagjon partigiane ch'e à viodût, in soreplui di tantis disgrazis, furlans cuintri furlans.

Ogni famée 'e je stade segnade di muarz e di piardûz sui cjamps de Russie o dai svindics dai Todescs e Cosacs.

Oreprisint i Comuns a' son obleâz dal Stât a ricuardâ il 4 di novembar i muarz in uere e i alpins in congjedo, adunâz in associazion (A.N.A.), a' mantegnin víf il ricuart di ce ch'al é stât screant monumenz e lapidis, domandant a nô predis di benedí bandieris, galiardez e coronis di orâr.



Inpen des legions romanis e' son partidis di Aquilée peraulis di pàs.

In chistis ocasions e cerimonis quant ch'e si tente di spiegâ a la int che i lor parinc' e amis a' son muarz par volontât umane, tant a di mandâz a murî, e no divine, al é fâ un sacrilegio, un profanâ il templi de memorie dai muarz, un tentâ di gjavâur chè sacralitât, si ju clame difati "martiri", chè religjon, chè mistiche ch'e cir di meti in paritât i lor muarz, par miez de ubidienze ae autoritât e la inmolazione tanche vitimis sacrificâls, cun Diu e in qualchi mùt cu la salvezze eterne e la immortalitât.

L'autoritât, ancje chè religiose, 'e tente simpri di presentâsi come sacre, di autodivinizzâsi e 'a dopre par sé lis stessis peraulis ch'e van ben par clamâ il Signor.

La tiare dai monumenz si clamile: "area sacra", i muarz: "martiri della libertâ", i confins: "sacri confini", lâ in uere: "compiere il sacro dovere", ricuardâ i muarz: "fare una cerimonia o una celebrazione".

Chistis peraulis e chiste pratiche e' àn fat nassi une mentalitât, un pensâ che no sedi nissune diferenze tra il murî pe fede e il murî pe patrie.

Al é si dentri di ognun un grant desideri di pàs, di sigurezza, di vite serene, di rapuarz no violenz e competitivs, ma dut al reste sotvie, tal scûr des cussienzis, cu la cunvinzion ch'al cjatarâ citadinanze plene e difinitive dome in tun altre cjase e tiare (Mt. 5,5).

Lis fameis e' àn patît a cito la muart di tanc' fis e no àn vût nancje lagrimis par vaiju. Tanc' e' an viodût cui lor vôi ce ch'je stade la uere e propit chei che plui e' àn patît no sapuàrtin la retoriche des cerimonis e i discors recitâz propit di chei ch'e àn ereditât il comant dai gjenerâi e dai capos ch'e ju vevin mandâz a murî.

La int 'e à la pàs tal so cûr come un siump, la insumie come un paradîs dulâ che nol é ce patî e 'a sa unevore ben, par esperieze direte, che i granc': "No san, lôr, un omp ce ch'al vâl. No ur

In chistis ocasionis e cerimonis quant ch'e si tente di spiegà a la int che i lor parinc' e amis a' son muarz par volontàt umane, tant a di mandàz a murì, e no divine, al é fà un sacrilegio, un profanà il templi de memorie dai muarz, un tentà di gjavàur ché sacralitàt, si ju clame difati "martiri", ché religion, ché mistiche ch'e cîr di meti in paritàt i lor muarz, par miez de ubidienze ae autoritàt e la inmolazione tanche vitimis sacrificàls, cun Diu e in qualchi mût cu la salvezze eterne e la immortalitàt.

L'autoritàt, anje ché religiose, 'e tente simpri di presentâsi come sacre, di autodivinizzâsi e 'a dopre par sé lis stessis peraulis ch'e van ben par clamà il Signor.

La tiare dai monumenz si clamile: "area sacra", i muarz: "martiri della libertà", i confins: "sacri confini", là in uere: "compiere il sacro dovere", ricuardâ i muarz: "fare una cerimonia o una celebrazione".


Chistis peraulis e chiste pratiche e' àn fat nassi une mentalitàt, un pensà che no sedi nissune diferenze tra il murì pe fede e il murì pe patrie.

Al é si dentri di ognun un grant desideri di pàs, di sigurezza, di vite serene, di rapuarz no violenz e competitivs, ma dut al reste sotvie, tal scûr des cussienzis, cu la cunvinzion ch'al cjatarâ citadinanze plene e difinitive dome in tun altre cjase e tiare (Mt. 5,5).

Lis fameis e' àn patît a cito la muart di tanc' fis e no àn vût nancje lagrimis par vaîju. Tanc' e' an viodût cui lor vôi ce ch'je stade la uere e propit chei che plui e' àn patît no sapuàrtin la retoriche des cerimonis e i discors recitàz propit di chei ch'e àn ereditât il comant dai gjenerâi e dai capos ch'e ju vevin mandàz a murì.

La int 'e à la pàs tal so cûr come un siump, la insumie come un paradís dulà che nol é ce patî e 'a sa unevore ben, par esperieze direte, che i granc': "No san, lôr, un omp ce ch'al vâl. No ur

impuarte di Dreüte, a lôr". Ce tant vere ch'e je la conte di "Dreüte" tal biel libri di Riedo Puppo: Par un pèl. 'E je piturade la disperazion de puare int mandade a murì e sbregade dentri dal cûr tai afiez plui cjârs.



Vuê, nô granc', 'o podin fâ diventâ vèrs i siumps e i desideris ch'o vin nudrîz di fruz.

6. I ALPINS.

Provait a cjalâ ce ch'e fâsin i Alpins tai nestrîs paîs! Al vignares di pensâ a prin bot che la lor associazion 'e sedi la continuazion dal Esercît propit pe organizazion e la serietât ch'e metin tal fâ lis robis, pe manie di adunadis e sfiladis davant dai palcos des autoritâz militârs, civîls e religiosis.

Ma dongje di chist nèò e' àn tantis qualitâz bielîs, nostranis,



6. I ALPINS.

Provait a cjalâ ce ch'e fâsin i Alpins tai nestrîs paîs! Al vignares di pensâ a prin bot che la lor associazion 'e sedi la continuazion dal Esercit propit pe organizazion e la serietât ch'e metin tal fâ lis robis, pe manie di adunadis e sfiladis davant dai palcos des autoritâz militârs, civîls e religiosis.

Ma dongje di chist nèò e' àn tantis qualitâz bielîs, nostranis,



ch'e ju fâsin stâ simpri in prime linie tal lavorâ pal paîs. No je nissun'altre organizzazion in Friûl, fûr di lor e dai donatôrs di sanc, dulâ ch'e si sintin mascjos e furlans dutune. Sedi Alpins al é segno ufiziâl, public di virilitât, fedeltât, laboriositât e atacament ai valôrs de tiare e de patrie. A' son simpri indevant a lavorâ a gratis, a dà une man a chel ch'al à bisugne, atîfs e in uâte tal paîs par fâ ce ch'al covente, a viodi di ce ch'al mancje. A' son saldo cu la cjazze in man a tirâ- sù mûr, a meti in ordin anconis e glesutis votivis. Il spirt di solidarietât e di cuarp si spose e si pant te vite di paîs che miôr no si podares. Propit une bieie e sane espression e incarnazion dal amôr dal prossim.

La lor naturâl e semplice disponibilitât a regolâ glesis e anconis nus pant ancje ce religion e sens de comunitât ch'e à la nestre int: dut ce ch'al ven dal bàs, di lor, il popul lu ten cont come la sô robe, la sô cjase. Dut chist al é san, biel, nostran, concret, sempliz, e nol à nuje a ce fâ, cussi nus samée, cul regalâ bandieris es scûelis fasinsi rapresentanz ufiziâi dal Stât talian. Lu disin no par rabie, invidie, ma par lassâ che chistis robis lis fâsin i Comuns, la Prefeture, chès istituzions ch'e rapresentin il Stât. Al sares biel e just che i Alpins e' restassin une organizzazion spontanee, nassude de base, dal popul, ch'e no à nissun fastidi di riverî i granc' e chei ch'e comandin.


Si sa che in Friûl un dai momenz plui straordenaris de vite comunitarie 'e je la muart di un dal paîs. Tai funerâi si viodin simpri tanc' omps. A' son chès raris ocasions che lis glesis si jemplin di omps.

Quant ch'e si fâs il funerâl di un Alpin, cence nissune pòre, tal moment de Messe di plui racogliment un omp al ven sù sul coro a lèi la prejere dal alpin. Chiste prejere, par dî il vèr 'e merte modificate par vie de ande retoriche ch'e à e dai erôrs teologics. Par chist nol é oportun e corèt leile in glesie, ma il fat positif de partecipazion al reste.

7. LA GNOVE MENTALITÂT.

'O sin stâz tirâz-sù cun tune mentalitât e culture di ispirazion tant lontane di chê evangeliche su chistis Realtâz e la religion 'e je vignude a binidile e ratificâle cu la sô adesion o cul tasê, ch' al é chel istes. Tai momenz ufiziâi, tes memoris e celebracions civils nô predis no vin mai badât a proponi la Peraule: "Amait i vuestris nemis" (Mt. 5,44) e si ch'o le savevin a memorie! 'O le vin tirade fûr tes predicjs de domenie, tes cuistions de int cui cunfinanz o fra parinc', ma vonde li.

La Glesie ch'e si fonde sul Vangeli no à nemis, tal sens ch'e no odêe nissun, ancje se tanc' di lor le àn in asse, j fâsin uere e la viodin tanche une droghe, un cancar e un brut mâl pal mont.




Is. 2,4: A' romparan lis lôr spadis par fâ uarginis e lis lor lancis par fâ sesulis . . . E no impararan plui a fâ uere.

7. LA GNOVE MENTALITÂT.


'O sin stâz tirâz-sù cun tune mentalitât e culture di ispirazion tant lontane di chê evangeliche su chistis Realtâz e la religion 'e je vignude a binidile e ratificâle cu la sô adesion o cul tasê, ch'al é chel istes. Tai momenz ufiziâi, tes memoris e celebracions civils nô predîs no vin mai badât a proponi la Peraule: "Amait i vuestris nemîs" (Mt. 5,44) e si ch'o le savevin a memorie! 'O le vin tirade fûr tes prediejs de domenie, tes cuistions de int cui cunfinanz o fra parinc', ma vonde li.

La Glesie ch'e si fonde sul Vangeli no à nemîs, tal sens ch'e no odèe nissun, ancje se tanc' di lor le àn in asse, j fasin uere e la viodin tanche une droghe, un cancar e un brut mâl pal mont.



Is. 2,4: A' romparan lis lôr spadis par fâ uarginis e lis lor lancis par fâ sesulis . . . E no impararan plui a fâ uere.

In ogni ocasion si vares di cjalâ la storie umane, la violenze, la sclavitût e i mazzalizzis ae lûs dal Vangeli. Pai Cristians al reste in pins il cuint comandament (Es. 20,13; Mt. 19,18) ancje te buse plui fonde de tristerie umane: la violenze sui puars inocenz e la uere. Propit li si implante la Crôs e 'a fâs daventâ chel fondon di muart e disperazion la ponte plui alte dal amôr di Diu. In ogni câs Diu al domandarà cont a cui ch'al fâs cori sanc par vie che dome sô 'e je la vite (Gv. 9,5s). Nissune istituzion umane, Glesie, Stât, Esercit, 'e po' justificâ e pratindi la muart di un omp. 'E dîs la logjiche e l'interes di chel ch'al comande: "Al miôr che un al mueri pal popul" (Gv. 18,11). Crist al é muart par duc' e nô in ogni Messe 'o publichin ce ch'al é vignût une volte par simpri. Crist al é di duc', fradi universâl, omp cence paradanis e prejudizis e nus dîs di un continuo ch'o sin duc' fis di Diu ancje chei ch'e nus fasin mâl a stupit vie e cun tante tristerie.



Volè ben ai nemîs e puartâ la crôs de incomprension al é chê puarte strete ch'al fevele il Vangeli (Lc. 13,24). La Glesie 'e je te storie e te vite dai popui segno e sacrament di chiste catolicitât e universalitât di salvezze. No pò fâ di mancûl di pradicjà l'amôr pai nemîs: "Il rest al è dei pagans" (Mt. 5,17). Se no lu fâs si confont cul mont e 'a mûr cence risurî (Apc 20,10-13), cence sfurî te vitorie e te vite come il servidôr ch'al patis par duc' (Is. 42,1-9; 49,1-7 50,4-11).

Il massimo che i omps e' puedin ispirâsi 'e je la veretât storiche. Al sares biel che la passion pe veretât 'e fases ameti ai capos, ai pulitics, ai gjenerâi e ch'e si insegnas ai fruz e ai zovins de scuele che in Abissinie, Eritrèe, Somalie, Libie, Grecie, Albanie e Russie no sin lâz propit a difindisi. Ma se ai omps si po domandâ coerenze tal ameti une veretât storiche e vonde a la Glesie si scuen domandâ fedeltât no ai resonamenz umans, ma a une peraule ch'e ven dal alt par vie che: "No sês ualtris ch'o mi vês sielt me, ma jo us ài sielt ualtris" (Gv. 15,16). Il Vangeli al é par nô Cristians necessari come l'ajar par respirâ.

Duc' nô Cristians 'o vivin il drama di sielgi se ubidî a la lez umane o a chê divine e di no savê a clâr dulà ch'al é il cunfin fra lis dôs. S. Pieri, ancje s'al ere chel gran pecjadôr ch'o savin (Mt. 26,74), nol veve nissun dubi in merit e devant dal tribunâl dai capos dai predis al à dît ch'e si à di ubidî a Diu prin di dut (At. 4,19). Ancje nô 'o sin cunvinz, ma nus mancje la fuarze di ametilu e vivilu tal moment ch'al covente par vie ch'al tocje puartâ la crôs e restâ bessôi. Duc' 'o crodin che no bisugne scancelâ e dineâ i valôrs quant ch'o resonin sentâz su la cjadêe, ma par no vergognâsi de nestre debolezze 'o cirin mîl scûsis e distinzions quant ch'al é il moment di pajâ pes ideis ch'o professin. Cussi inpen di gambiâ vite 'o gambin ideis, ch'e devèntin un pôc a la volte il spieli e la justificazion de vite ch'o fasin e des debolezzis e interes ch'o vin. Provin un moment a cjalâ cun serenitât la mentalitât de Glesie a proposit de vite e dal so rispiet!

'O proponin cun clarezze e fuarze, a presit di passâ par biadins, di salvâ la vite di ogni creature concepide e 'o domandin ai miedis cristians e a lis infermieris dai opedâi di fâ l'obiezion di cossienze visansi dal comandament di Diu di no copâ, ma no sin ancjemò coerenz cu la stesse fuarze e cunvinzion evangeliche tal proponi l'obiezion di cossienze a proposit dal adestrament a copâ ch'al ven praticât tes casermis di dut il mont e di no lâ a vôre tes

Il massimo che i omps e' puedin ispirâsi 'e je la veretât storiche. Al sares biel che la passion pe veretât 'e fases ameti ai capos, ai pulitics, ai ggenerâi e ch'e si insegnas ai fruz e ai zovins de scuele che in Abissinie, Eritrêe, Somalie, Libie, Grecie, Albanie e Russie no sin lâz propit a difindisi. Ma se ai omps si po domandâ coerenze tal ameti une veretât storiche e vonde a la Glesie si scuen domandâ fedeltât no ai resonamenz umans, ma a une peraule ch'e ven dal alt par vie che: "No sês ualtris ch'o mi vês sielt me, ma jo us âi sielt ualtris" (Gv. 15,16). Il Vangeli al é par nô Cristians necessari come l'ajar par respirâ.

Duc' nô Cristians 'o vivin il drama di sielgi se ubidi a la lez umane o a chê divine e di no savê a clâr dulà ch'al é il cunfin fra lis dôs. S. Pieri, ancje s'al ere chel gran pecjadôr ch'o savin (Mt. 26,74), nol veve nissun dubi in merit e devant dal tribunâl dai capos dai predis al à dit ch'e si à di ubidi a Diu prin di dut (At. 4,19). Ancje nô 'o sin cunvinz, ma nus mancje la fuarze di ametilu e vivilu tal moment ch'al covente par vie ch'al tocje puartâ la crôs e restâ bessôi. Duc' 'o crodin che no bisugne scancelâ e dineâ i valôrs quant ch'o resonin sentâz su la cjadêe, ma par no vergognâsi de nestre debolezze 'o cirin mîl scûsis e distinziions quant ch'al é il moment di pajâ pes ideis ch'o professin. Cussi inpen di gambiâ vite 'o gambin ideis, ch'e devêntin un pôc a la volte il spieli e la justificazion de vite ch'o fasin e des debolezzis e interes ch'o vin. Provin un moment a cjalâ cun serenitât la mentalitât de Glesie a proposit de vite e dal so rispiet!

'O proponin cun clarezze e fuarze, a presit di passâ par biadins, di salvâ la vite di ogni creature concepide e 'o domandin ai miedis cristians e a lis infermieris dai opedâi di fâ l'obiezion di cossienze visansi dal comandament di Diu di no copâ, ma no sin ancjemò coerenz cu la stesse fuarze e cunvinzion evangeliche tal proponi l'obiezion di cossienze a proposit dal adestrament a copâ ch'al ven praticât tes casermis di dut il mont e di no lâ a vøre tes

fabrichis di armis. Biel che su la question dal abort 'o vin une cossienze evangeliche in dut il mont e in ogni timp, su chê des armis, des ueris e de pâs 'o clocin ancjemò preconçez nazionalisc' e setaris justificant lis divisions dai popui in Stâz come ch'e fossin di lez e ordin divin.



Dal mont, come da areje, e' jevin in svol Colombis di pâs.

La Patrie 'e je la tiare dai paris, par nô il Friül e no vin di confondile cul Stât, ch'al é une realtât gjuridiche tignude in pins di léz. La Patrie no à bisugne ni di léz, ni di tassis, ni di eserciz.

Pai cristians la patrie, chè vere, 'e je chè dal cîl (Ebr. 11,13) dulà ch'o sin duc' clamâz a cjaminâ e chè cajù, la tiare dai paris, 'e je un segno, une realtât necessarie, ma no definitive e no varà mai di diventâ un idul, une ocasion par dividisi.

Nô cristians 'o fasin di un continuo chiste esperienze: quant ch'o si fidin de fuarce dal Vangeli tal moment de nestre debolezze, alorte 'o mostrin la nestre vere muse devant dai omps, 'o sin, come Glesie, une puare femine ch'e fâs la vite pes stradis dal mont e 'o vin bisugne di Crist, de crôs e de sô matetât simpri, ma cun di plui te borie e te potenze des ideologjs mondanis. Quant ch'o mostrin la nestre debolezze 'e je li ch'e si pant la fuarce di Diu. Plui sigûrs di nô 'o sin e plui il mont nus capis, nus acete, al ven a concordâz e al cumbine di lâ a bracet par vie ch'o sin dal stes pêl.

Cemût ch'o sin fâz nô cristians!

Usâz a vivi tal mont 'o mantignin la stesse furbetagne par sopravivi, par rangjâsi (Lc. 16,1-13) e cussì 'o vin di scorte tantis morâls, tantis musis a secont di ce ch'o stin vivint e dal ajar ch'al mene. Une morâl tai afârs e un'altre tal pajâ lis tassis, une tal lavorâ e te vite sociâl e un'altre cui puars, une tal jet e un'altre in Glesie. Chiste babele di lenghis e di parons ch'e nus fevelin dentri nus confont e no nus jude a vivi, pensâ, fevelâ sui problemas e câs de vite cun coerenze e serenitât.

La Patrie 'e je la tiare dai paris, par nô il Friûl e no vin di confondile cul Stât, ch'al é une realtât gjuridiche tignude in pins di lèz. La Patrie no à bisugne ni di lèz, ni di tassis, ni di eserciz.

Pai cristians la patrie, chê vere, 'e je chê dal cîl (Ebr. 11,13) dulà ch'o sin duc' clamâz a cjaminâ e chê cajù, la tiare dai paris, 'e je un segno, une realtât necessarie, ma no definitive e no varà mai di diventâ un idul, une ocasion par dividisi.

Nô cristians 'o fasin di un continuo chiste esperienze: quant ch'o si fidin de fuarce dal Vangeli tal moment de nestre debolezze, alorte 'o mostrin la nestre vere muse devant dai omps, 'o sin, come Glesie, une puare femine ch'e fâs la vite pes stradis dal mont e 'o vin bisugne di Crist, de crôs e de sô matetât simpri, ma cun di plui te borie e te potenze des ideologjîs mondanis. Quant ch'o mostrin la nestre debolezze 'e je li ch'e si pant la fuarce di Diu. Plui sigûrs di nô 'o sin e plui il mont nus capis, nus acete, al ven a concordâz e al cumbine di lâ a bracet par vie ch'o sin dal stes pèl.

Cemût ch'o sin fâz nô cristians!


Usâz a vivi tal mont 'o mantignin la stesse furbetagine par sopravivi, par rangjâsi (Lc. 16,1-13) e cussi 'o vin di scorte tantis morâls, tantis musis a secont di ce ch'o stin vivint e dal ajar ch'al mene. Une morâl tai afârs e un'altre tal pajâ lis tassis, une tal lavorâ e te vite sociâl e un'altre cui puars, une tal jet e un'altre in Glesie. Chiste babele di lenghis e di parons ch'e nus fevelin dentri nus confont e no nus jude a vivi, pensâ, fevelâ sui problemas e câs de vite cun coerenze e serenitât.



L'agnul dal Cjastiel al nunzie lis gnovis dal cîl ai Furlans.

8. CONCLUSIONS E PROPUESTIS.


La conclusion naturâl ch'e ven di tirâ di chiste meditazion e fevelade su la pâs 'e je ch'o vin di domandâle pe nestre persone, pe Glesie e pal mont te prejere e no une volte par simpri, ma ogni di come ch'o fasin pal pan. E dato che ognun al puarte ce ch'al à, o miôr ce ch'al é, e ce ch'al à vût in regâl di Diu e di chei altris, cussi a' colaran benedizions sun chêi pis ch'e puàrtin la pâs (Is. 52,7 Rom. 10,15). 'E devente vere vuê la Peraule ch'e clame a fâ unitât fra ce ch'e si é e ce ch'o vignin clamâz a fâ, fra la realtât plui interiôr di ogni persone, ch'e cjape vite e aliment de union cun Diu, e il compit, la mission che Diu al afide.



Nissune filiade 'e podarà tignî in pereson la pâs.

8. CONCLUSIONS E PROPUESTIS.

La conclusion naturâl ch'e ven di tirâ di chiste meditazion e fevelade su la pâs 'e je ch'o vin di domandâle pe nestre persone, pe Glesie e pal mont te prejere e no une volte par simpri, ma ogni di come ch'o fasin pal pan. E dato che ognun al puarte ce ch'al à, o miôr ce ch'al è, e ce ch'al à vût in regâl di Diu e di chei altris, cussi a' colaran benedizions sun chêi pîs ch'e puàrtin la pâs (Is. 52,7 Rom. 10,15). 'E devente vere vuê la Peraule ch'e clame a fâ unitât fra ce ch'e si é e ce ch'o vignin clamâz a fâ, fra la realtât plui interiôr di ogni persone, ch'e cjape vite e aliment de union cun Diu, e il compit, la mission che Diu al afide.



Nissune filiade 'e podarà tignî in pereson la pâs.

In chist jessi - fâ - insegnâ (At. 1,1) Crist si é pandût come Fî di Diu e fradi di ogni omp.

Ancje nô te nestre persone 'o vin il compit e la fortune (Mt.5,1-12) di tentâ di realizzâ ce che di plui dificil e biel si po vivi in compagnie di Crist crocificis: meti adun la tiare (i pîs ch'è cjaminin parsore) cul cil (il cjâf ch'al cîr l'orientament cjalant lis stelis) e cui braz e lis mans spalancadis abrazâ dute la int dal mont par strengile simpri plui dongje dal nestri cûr.

E po cun spirt di pâs si po e si à di tentâ qualchi segno, dato che i faz a' restin e 'a judin a cambiâ plui di tantis bielîs ideis dome spiegadis e pradicjadis.

Ce fâ duncje quant che il Comun, la societât civil o qualchi associazion 'e clame i predis a benedi monumenz e lapidis di muarz in uere, bandieris, galiardez, coronis di orâr, a di Messe il quatri di novembar tai monumenz, a partecipâ a cerimonis civils e patriotichis?

Prin di dut, par rispjet di ce ch'è rapresentin, no nus semèe il câs di presentâsi cui paramenz de liturgje. Po', dopo vè cirût di spiegâ lis veris resons, ch'è no son emotivis, passionâls, ma evangjelicis, si po fâ di mancûl di binidî e di Messe.

In duc' i câs al é di domandâsi s'al va ben fâ jentrâ in Glesie pichèz armâz, fanfariis e soldâz cu la divise. No si varâ mai di fâ deventâ il pulpit de Glesie la trîbune par discors pulitics e civii ancje se bièi e respetôs.

Il pulpit ch'al resti il segno e il testimoni de grandezze de Peraule di Diu e de prejere dai omps e vonde.

Si po e si à di ricuardâ i muarz in uere, ma tal so puest naturâl: la Glesie e il Simiteri e insieme cun duc' chei altris muarz il di dai Sanz e dai Muarz.

La societât civil 'e fâs lis sôs celebrazions come ch'è crôt e 'a je parone di fâlis. Ma nô come pastôrs 'o vin la cunvinzion di fevelâ a Cristians e no a soldâz o a Alpîns e no varessin nancje l'autoritât

par fâlu.

No si à chê di mancjâ di rispjet a nissun, tant mancul ai muarz in uere ch'o ricuardin tes prejeris, ancje s'o vignarin etichetâz cun chiste qualifiche, ma di judâ a no confondi ce ch'al é civil e ce ch'al é di fede e a cirî simpri chê veretât ch'e nus fasarà libars (Gv. 8,32). Duncje al covente meti in vôre dutis lis nestrîs fuarzi par educâ, formâ e tirâ-sù tes nestrîs parochis e tai grops int di pâs.

Par nô Furlanz l'impegno pe pâs al domande la risolucion dai nestrîs problemas di justizie, di rispjet di ce ch'o sin, di dignitât culturâl, di garanzie di lavôr e su chiste fonde 'o sin sburtâz a impegnâsi pal mont intîr. Te nestre ete, sot dai nestrîs vôi al devente vèr vuê ce ch'o vin di simpri professât te fede: 'o sin fradis di duc'!



Biel che fin a jêr il prossin al ere dome chel di cjase, il cunfînant e la int dal paîs comò che il mont intîr al jentre in cjase nestre duc' a' son diventâz nestrî prossin. La pâs duncje 'e scomenze di dentri di nô si trasmet e si slargje come une magle di vueli par dut il mont.

Ce tant necessari ch'al é tirâ dongje un **GROP DE PÂS!** Prin par se stes e po par judâ chei ch'è àn gust a sedi omps di pâs li ch'è vivin e a' lavorin (famée - paîs - culture - lavôr - pulitiche - Glesie...). Chel ch'al reste bessòl al ven judicât come un strambel o un ingenuo. Par chel si à di educâ e judâ a cressi ancje chei altrîs.

par fâlu.

No si à chê di mancjà di rispjet a nissun, tant mancul ai muarz in uere ch'o ricuardin tes prejeris, ancje s'o vignarin etichetâz cun chiste qualifiche, ma di judà a no confondi ce ch'al é civil e ce ch'al é di fede e a cirî simpri chê veretât ch'e nus fararà libars (Gv. 8,32). Duncje al covente meti in vôre dutis lis nestrîs fuarzi par educâ, formâ e tirâ-sù tes nestrîs parochis e tai grops int di pâs.

Par nô Furlanz l'impegno pe pâs al domande la risolucion dai nestrîs problemas di justizie, di rispjet di ce ch'o sin, di dignitât culturâl, di garanzie di lavôr e su chiste fonde 'o sin sburtâz a impegnâsi pal mont intîr. Te nestre ete, sot dai nestrîs vôi al devente vèr vuè ce ch'o vin di simpri professât te fede: 'o sin fradis di duc'!



Biel che fin a jêr il prossin al ere dome chel di cjase, il cunfiant e la int dal país comò che il mont intîr al jentre in cjase nestre duc' a' son diventâz nestrî prossin. La pâs duncje 'e scomenze di dentri di nô si trasmet e si slargie come une magle di vuela par dut il mont.

Ce tant necessari ch'al é tirâ dongje un **GROP DE PÂS!** Prin par se stes e po par judà chei ch'e àn gust a sedi omps di pâs li ch'e vivin e a' lavorin (famêe - país - culture - lavôr - pulitiche - Glesie...). Chel ch'al reste bessòl al ven judicât come un strambel o un ingenuo. Par chel si à di educâ e judà a cressi ancje chei altris.

In duc'i càs bessòl o in grop si sarâ un segno di contradizion tal país, te parochie e te Glesie. 'E saltarâ fûr dal cûr de int e soledut dai capos tante violenze e cativerie, ma corajo istes (Lc. 12,32).

Insieme si ciraran man man lis motivacions plui veris e profundis des cunvinzions (timp o timp si rive, se si é sincêrs, simpri a chês evangjelicis) e di tant in tant, come che i omps de pâs e' san fâ e l'inventive dal Spirt 'e sugjeris, fâ qualchi riflession sui fâz dal país e dal mont e riscjâ qualchi segno public di pâs. E grazie di cûr a dutis lis personis che bessòlis e in grops e' lavorin pe pâs e a' ur tocje di puartâ la crôs de incomprension dal mont e de Glesie. Dome cul lor sacrifici 'e cressarâ la plantute de pâs fin al pont che tante int 'e vignarâ a parâsi sot (Mt. 13,31-32) e tai nestrîs país, te int di buine volontât e te Glesie di Crist si impiarâ un segnâl di sigure speranze.

Cussi 'o prein.

E dut a glorie di Diu.



FINÂL

Fat stampâ dal grop di studi GLESIE LOCÂL.

Segreterie: Canoniche Plazze Zuàn XXIII N.2

33030 S. Jacun di Ruvigne tel. 957268

Par informazions: Canoniche Plazze B. Alessio N.2

33045 Nimis tel. 790067

I pipins a' son di:

Nadia Pizzuti, Franca Dalla Valle e Vladi Motyl.

FINÂL

Fat stampà dal grop di studi GLESIE LOCÂL.
Segreterie: Canoniche Plazze Zuàn XXIII N.2
33030 S. Jacun di Ruvigne tel. 957268
Par informaziuns: Canoniche Plazze B. Alessio N.2
33045 Nimis tel. 790067

I pipins a' son di:
Nadia Pizzuti, Franca Dalla Valle e Vladi Motyl.





“Parcech’è saran clamâz fis di Diu”.
(Mt. 5,9)